

恩施縣志卷之十一

藝文志

詩

鄭典設自施州歸

唐杜甫

吾憐滎陽秀，冒暑初有適。名賢慎出處，不肯妄行役。旅  
茲殊俗遠，竟以屢空迫。南謁裴施州，氣合無險僻。攀援  
懸根木，登頓入天石。青山自一川，城郭洗憂憾。聽子語  
此邦，使我心悅懌。其俗則淳樸，不知有主客。溫溫諸侯  
門，禮亦如古昔。敕廚倍常饘，杯盤頗狼籍。時雖屬喪亂，

恩施縣志

卷十一

詩

事貴當匹敵，中宵愜良會。裴鄭非遠戚，羣書一萬卷。博  
涉供務隙，他日辱銀鈎。森疏見矛戟，倒屣喜旋歸。晝地  
求所歷，乃聞風土質。又重田疇闕，刺史似寇恂。列郡宜  
競惜，北風吹瘴癘。羸老思散策，渚拂蒹葭寒。嶠穿蘿葛  
罍，此身仗兒僕。高興潛有激，孟冬方首路。強飯取崖壁，  
嘆爾疲駑駘。汗溝血不赤，終然備外飾。駕馭何所益，我  
有平肩輿。前途猶準的，翩翩入鳥道。庶免蹉跌厄。

贈裴施州冕

杜甫

廊廟之具裴施州，宿昔一逢無此流。金鐘大鑪在東序



冰壺玉衡懸清秋自從相遇減多病三歲爲客寬旅愁  
堯有四岳明治理漢二千石真分憂幾度寄書白鹽北  
苦寒贈我青羔裘霜雪迴光避錦袖龍蛇動篋蟠銀鈎  
紫衣使者辭復命再拜故人謝佳政將老已失子孫憂  
後來况接才華盛

把酒問月

李白

青天有月來幾時我今停杯一問之人攀明月不可得  
月行却與人相隨皎如飛鏡臨丹闕綠烟滅盡清輝發  
但見宵從海上來寧知曉向雲間沒白兔搗藥秋復春  
恩施縣志

卷十一

詩

二

嫦娥孤棲與誰鄰今人不見古時月今月曾經照古人  
古人今人若流水共看明月皆如此惟願當歌對酒時  
月光常照金樽裏

送張拾遺赴施州司戶

釋貫休

道之大道古太古二字爲名爭莽鹵社稷安危在直言  
須歷堯階搥諫鼓恭聞吾皇至聖深無比推席卻几聽  
至理一言偶未合堯聰賈生須看湘江水君不見頃者  
百官排闥赴延英陽城不死成令名又不見仲尼遙奇  
司馬子佩玉垂紳合如此公乎公乎施之掾江上春風



喜相見畏天之命復行行芙蓉爲衣勝絕絹好音入耳  
應非久三峽聞猿莫迴首且啜千年羹醉巴酒

送喬施州

宋蘇軾

恨無負郭田二頃空有載行書五車江上青山橫絕壁  
雲間細路躡飛蛇雞號黑暗通蠻貨蜂鬧黃連採蜜花  
共怪河南門下客不應萬里向長沙

鐵溝行

蘇軾

城東坡隴何所似風吹海濤低復起城中病守無所爲  
走馬來尋鐵溝水鐵溝水淺不容舟恰似當年韓與侯

恩施縣志

卷十一

詩

三

有魚無魚何足道駕言聊復寫我憂孤村野店亦何有  
欲發狂言須斗酒山頭落日側金盆倒著接羅搔白首  
忽憶從軍年少時輕裘細馬百不知臂弓腰箭南山下  
追逐長楊射獵兒老去同君兩憔悴犯夜醉歸人不避  
明年定起故將軍未肯先誅霸陵尉

將次施州先寄張十九使君

黃庭堅

書來日日覺情親今信施州是故人許我投名重入社  
放狂作惱未應瞋

一別施州向十霜傳聞佳句望風降空卷不易當堅敵



振臂猶思起病創

題小猿叫驛

黃庭堅

大猿啼罷小猿啼  
箐裏行人白晝迷  
惡藤牽頭石齧足  
嫗攜兒隨泣陸續  
我亦下行莫啼哭

次韻答清江主簿趙彥成

黃庭堅

日轉溪山幾百遭  
厭聞虎嘯與猿號  
笙歌忽把二天酒  
風雨猶驚三峽濤  
已作齊民尋要術  
安能痛飲讀離騷  
看君自是青田質  
清唳常聞徹九臯

和張仲謀送別

黃庭堅

恩施縣志

卷十一

詩

四

夜郎自古流遷客  
聖世初投第一人  
不是施州肯回首  
五溪三峽更誰親

又

五溪三峽漫經春  
百病千愁逢故人  
何故看君歲寒後  
欲將兒女更論親

題驢瘦嶺馬鋪

黃庭堅

老馬饑嘶驢瘦嶺  
病人生入鬼門關  
病人甘作五溪卧  
老馬猶思十二閑

上南陵坡

黃庭堅



風餐水宿六千里蛇退猿啼八百盤上得坡來總歡喜  
摩圍依約見峰巒

次浮塘驛見張施州小詩次其韻 黃庭堅

歎息施州成老醜當年玉雪瑩相照舊時去天一尺五  
今日萬里聽猿叫

馬上口號呈建始李令 黃庭堅

驛亭新似眼般明箐路開如掌樣平誰與長官歌美政  
風搖松竹是歡聲

石通洞 黃庭堅

恩施縣志 卷十一 詩

古木蕭蕭洞口風昔人曾此出樊籠崖前况有涓涓水  
好滌塵襟去效翁

通天洞 明沈慶

勝日尋芳蹟山中洞府寬碧桃千樹古流水一溪寒火  
伏丹應結雲凝龍尙蟠登天知有路卽此跨青鸞

蠻王塚 沈慶

路入蠻王寨蠻王塚已蕪高崖留夕照古木噪飢鳥妖  
血腥猶在狂名世尙呼聖朝欣混一尺地入輿圖

圓通寺 沈慶



凌空梵宇鬱嵯峨暇日登臨景最多崖瀑雨晴飄素練  
山雲風捲樣青螺經繙貝葉爐薰裊刻轉蓮花午漏過  
勝地難逢幽賞愜遂令塵慮頓消磨

寄施州衛黃經歷

溥

蕭榮

內臺以羨無雙士臬府初推第一人親見至公權國法  
幾將剛直犯龍鱗春辭天府花千樹秋到清江月一輪  
有道自應舒復卷相逢莫恨別離頻

大觀閣

城南門外文昌祠後

鄒維璉

良朋招我遊選勝大觀閣河水潑如帶羣峰列成幄最

恩施縣志

卷十一

詩

六

高客星山空翠飛相泊鳥若參禪鳴花疑說法落嗟哉  
人世間百年苦塵縛謬以隋侯珠輕彈千仞雀所以瞿  
曇子出世稱極樂李公戴髮僧鮑君修翎鶴剎那西方  
移口中蓮花灼

澄清閣

鄒維璉

世間快意在何處山水卜築軒當樹雙柑斗酒一碁枰  
圖書萬卷供朝暮客來彈碁始罷觴人生得此樂事長  
摩詰曾構輞川莊歐公亦有六一堂君家高齋面山水  
暮樹重重烟霧裏羈客何幸嘯詠來座上清風兩腋起



問月臺

鄒維璉

旅邸春歸賦早梅遐荒千古一亭開山多文筆參天出  
江有清流遶郭來自別豫章寒雁少更堪巴峽暮猿哀  
幸逢此地名公蹟把酒時登問月臺

戍施一載蒙詔放還且奉南太僕少卿之命留別

鄒維璉

匹馬蕭蕭自此東關河晴雪遶春融學經患難方知淺  
詩到窮愁尙未工雨露一天君德大風烟萬里友情同  
江干別後懷人夢猶在仙亭問月中

恩施縣志

卷十一

詩

七

流落南冠學楚吟故園遠隔白雲深敢期湯網開三面  
已信槃瓠老一岑忍死快聽明主詔放歸猶是歲寒心  
停驂握手臨歧處轉眼吳門不可尋

鐵溝

鄒維璉

劫火從教海底燒鐵心堪對鐵溝遙千年詞客題詩在  
不與滔滔水共消

客星山

鄒維璉

青山何惜客星名幾度星移山自青我作客來君作主  
煩供佳色到園林



猿啼山

鄒維璉

巴山何處不猿鳴  
今古偏傷逐客情  
猿自善啼吾善笑  
誰云墮淚只三聲

清江

鄒維璉

滄浪幾處聽漁歌  
好解塵纓濯此波  
莫說涓涓衣帶水  
還將一勺小黃河

客星山

黃溥

清江之山天下奇  
客星峙立無與齊  
低處猶疑紅日近  
高處恍覺青天低  
羣峰落落何巖業  
欲斷不斷如劈鐵

恩施縣志

卷十一

詩

八

雲間樹色自遠近  
雨後嵐光靡斷絕  
千巒萬岫勢壓天  
憑凌五岳冠山川  
白鶴元猿歲相侶  
幽花野草春爭妍  
孤高自是施之望  
左右羣山皆退讓  
瀑流不數廬山雄  
奔騰直下三千丈  
丹崖翠壁高重重  
閩風元圃疑相通  
避俗豈無曠世士  
採芝應有商山翁  
君不見太白人中  
仙謫仙於此曾盤旋  
又不見涪翁千載士  
居黔訪舊亦游此  
到處景物皆品題  
何事茲山無一語  
山川靈秘豈待時  
後三百年來何遲勝  
跡二公探索徧敢誦  
前賢畏後詩  
我有烟霞想欲賦  
汗漫游呼風乘雲駕黃鵠



直上最高頭萬里銀河可飛越  
遨遊擬叩元皇闕下與  
濁世掃秕糠上挾青霄扶日月  
功成追逐浮邱翁冥鴻  
杳杳秋濛濛便欲與君飲一斗  
醉後拔劍斫取十二青  
芙蓉

勸農臺

城東五峰山峽口

黃溥

布穀聲乾雨初歇年年忙殺春  
三月大兒扶犁小兒耜  
新婦插禾阿姑饁霑體塗足  
不爲辱但願時和生事足  
大麥垂黃小麥青晚稻含華  
早稻熟木棉可紡麻可績  
蠶絲在繰布方織年豐祇足  
償逋租幸免官家多督責  
恩施縣志

卷十一

詩

九

田家但了公家債更賀昇平時  
運泰

蟠龍溪

黃溥

清江萬頃瀦重淵龍隱江中不  
記年四海蒼生望霖雨  
莫教閒處抱珠眠

五嶺連珠

龐一德

一曲清江漫陸離山開五指疊  
牟尼羈人計日珠江去  
說著連珠淚一垂

施州衛寄所親

夏熙臣

環衛皆君長東南盡笮邛流官  
乘小駟蠻婦織花寶刀



劍生明皆衣冠列附庸不煩司馬檄尺土亦王封  
跋涉皆天意艱難未敢辭地傳巴子國人拜竹王祠山  
水多奇氣烟雲無盡時更兼旬日雨得不賦秋悲

通天洞

劉子厲

一竅中通小有天旁開門戶揖羣仙金丹合就懸鍾乳  
玉粒收成廢石田殘榻欲醒盧氏夢斷碑猶記至元年  
游來擬作尋源客洞口桃花莫浪傳

龍居寺

程道新

出谷清溪繞梵宮空門祇與白雲封客來越水四千里

恩施縣志

卷十一

詩

十

鶴在巴山一萬重簷鳥見人鳴上下庭松挂壁影橫縱  
口憐鞅掌曾無補徒倚經臺聽暮鐘

半逸亭

昌應時

不爲登高賦而因訪戴來風塵今日共樽酒故人開地  
淨黃花少天空白雁哀杜陵愁轉切相對且徘徊

奉憶黃溥

童昶

人與春皆去鶯花惜別離馬便來日路民有去思碑藁  
苦還堪味歧多慎勿悲一言能悟主洗耳豸冠時

客星山

童昶



一日休得告芒鞋聊見親山寒鳥欲毳岸古石多皴驅  
虎人喧夜分蜂窠記辰隔林何處鼓知是賽田神

石乳山

童昶

界分楚蜀控喉咽諸葛遺蹤俗尚傳一鎖南封千里地  
雙峰高拄九重天華夷今古關防立草木春深造化權  
我忝書生有邊寄辨香心緒託前賢

臨流石閣

城南五里指揮  
唐一麟別業

童昶

媧皇煉石補天處石破山空一洞天我欲闢開三十六  
不知何處隱真仙

恩施縣志

卷十一

詩

十一

獨乘款段策長鞭來訪壺公靜裏天一樹梅魂招不反  
欲將此訣問神仙

羊角山

童昶

羚羊溪口石爲門度馬盤多欲礙雲未信陰崖春不到  
幽花偏自笑斜曛

郡亭山

童昶

竊慕平泉力不支好奇心與物皆奇愚公豈是真愚者  
見好溪山便欲移

仙女池

童昶



鶴質雲容去渺茫，遠山如愧蜀宮妝。  
絳紗不繫當年臂，池上紅蓮歲歲香。

硃砂溪

陳止

煉藥山人失名姓，硃砂化石溪。  
如鏡早來溪上訪，仙踪何必覓除勾漏令。

石通洞

國朝 吳李芳

發興耽思遠，詩幽得地偏。  
酒酣千日後，詩出萬峰巔。  
樹似雲支谷，溪疑石補天。  
山空迷曲徑，洞邃隱長烟。  
巨手何年鑿，當頭此日圓。  
白光疑火伏，經旭照霞箋。  
何必買

恩施縣志

卷十一

詩

十三

山隱於斯好，坐禪曠懷因。  
太室極目感桑田，遺子來求牧徵文。  
試古鑄浩翁堪尚論，未敢薄荒邊。

南里渡

司馬商 盤

意外見琉璃，放舟南里渡。  
四山屏障開，一水醜醜注。  
修眉落鏡中，連娟各呈露。  
綠淨唾方官，翠深行易誤。  
衡茅兩旁分，盡傍平林住。  
是時十月交，小春未寒沍。  
早納東屯禾，旋收西嶺芋。  
年豐賽雞豚，日吉行嫁娶。  
此鄉誠樂郊，翻起無窮慮。  
休將地利貪，幸賴天心護。  
他年幸大夫，或議減癩賦。



連珠嶺

商盤

城東五峰並峙狀若連珠爲郡治八景之一明  
童昶有詩而形容未備補賦是篇爲茲山寫照  
刻畫圭角殊傷大雅也

厯厯五星垂纍纍八音貫占象與區優典樂后夔贊茲  
山靈秀鍾割取朶雲攬爲屬非爲獨相連不相斷十眉  
雖未全一握已堪算數奇那得偶卦萃安能渙挾將羣  
嶽來蔚爲衆峰冠有鄰德不孤如珠光可玩神羊鬣自  
垂老蚌胎誰判驪容造次探鵲以等閒彈一云懸大寶  
恩施縣志

卷十一

詩

七

輝煌徹昏旦又云現牟尼色空驚變幻得因象罔尋投  
或太阿按是石還是珠聚訟成疑案待叩妙明師真假  
片言斷

磨嗟神祠曲

商盤

磨嗟巖下紛擊鼓楚巫降神神不語聞昔西川廣政年  
曾助官軍攻洛浦聰明正直神所爲生有厥功死祝之  
能禦大災捍大患非此族者皆淫祠陰兵擊賊傳神史  
怪事荒唐違正理勅封本授孟知祥英烈翻過巴蔓子  
廟食千秋蠻土同靈旗颯颯暮捲風喜嗔醉飽誰復見



斷猿啼月寒林空神兮寂寞歸山中

蠻王古冢歌

商 盤

施州城北都亭鄉懸崖百丈勢鬱蒼下有洞門一十二  
云是蠻王歸葬地高陵為谷谷為陵古往今來幾廢興  
此冢亦遭人所發但存冢木纏枯藤當年曾作西南長  
姑繒壁壘堅無兩花鈴蘆管散雲烟漆齒雕題埋土壤  
苗疆尺寸納

大朝蠟壁高羅部曲消孟獲何曾縱復反尉佗敢稱生前驕

陰風吹冷荒郊月刀扇挫歌聲已歇杜宇難平望帝心

恩施縣志

卷十一

詩

古

幽篁空洒湘妃血安得蒙莊語髑髏殘魂剩魄莫生愁  
牧兒夜火穿秦壘義士冬青表宋邱君不見纍纍道左  
今無數玉魚石馬知何處有酒堪呼泉下人一尊且酌

劉伶墓

燒山行

商 盤

朔風獵獵夜更道烈炬燒山騰鬱攸黃茅白葦何足惜  
中有樛楠高百尺崑岡玉石竝雜焚其勢直欲蒼崖髡  
火牛長驅燕壘破隊象突出吳師奔君不見天梯岬谷  
去天纔一握密箐深林掩圭角下策翻宜用火攻高鼓



漸可施錢罇

國家休養經百年荒土盡闢爲良田炎炎秉畀應時令太  
平了不驚烽烟須臾火熄風且止翠微依舊清如水明  
朝樵客入山行爛額焦頭虎狼死

採蕨

商 盤

採蕨復採蕨蕨生巒崗蝟秋將蕨粉收春待蕨苗發蕨  
苗葱翠如禾苗布種不用施鉏鋤婦女提筐立沙嘴兒  
童負籠穿山腰施州地廣民富足况逢五穀穰穰熟比  
鄰都有好田園此產還同閒草木君不見嫩韭初芽薺  
未花登盤蕨菜定足誇夕陽一片踏歌起社前競采西  
巖茶

恩施縣志

卷十一

詩

十五

送保將軍勵堂之施南

袁 枚

吳下驪歌夾耳聞我來剛值送將軍請看江上雙旌影  
已似將飛一片雲  
履曳星辰劔上方偏教生性愛文章倉山幾曲風華調  
君盡能歌我轉忘

十條紅燭兩枝花餞別依依小杜家關他日巴山聽夜  
雨更誰行酒進琵琶



弓刀獵罷萬山青  
風捲紅旗過洞庭  
可帶橫塘一枝笛  
夜深吹與老龍聽

善撫生苗與熟苗  
追陪巖武與韋臯  
八風平處雙聲穩  
一捲新詩卽六韜

送君南浦草萋萋  
望見楊花首欲低  
一樣天涯送行客  
楊花能到夜郎西

### 鼇脊山

督學吳省欽白華

鼇者大鼈耳荒唐立四極  
從鼃不從魚釣自謫仙謫而  
何禱昧徒竄取入各籍俗書真誤人  
欲斷安可得我從

### 恩施縣志

#### 卷十一

詩

六

鼇峰來蕩蕩戟門闢一峰  
闖射堂竹樹映妍澤  
戒旦響清冷奉香影絡繹  
雖然靈所寰龜山名以錫  
孰與謚城隍未免僭  
鳧繹矯首語山祇不如字  
鼇脊蛟脊嫌下拖  
麋脊引旁射莫此枕清江  
燈山闢元夕

### 象牙山

吳省欽

昔聞象奴言象耳鼠所竄  
其鼻卷如席其背聳如案  
其牙如佛牙萬目競傳看  
涓澤自琢磨槎枒在標幹  
奈何良爲占忽作坎爲贊  
初非熊耳尊孰與虎牙悍  
一山浴二名疑獄待誰斷  
厥勢本陵嶒垂下欲旁攬  
巖巖枕學



宮岌岌戴靈觀乃知耳與牙滅裂齒堪粲牙錯史註謬  
牙布史文漉識字乃讀書邦人勿河漢

題問月亭

吳省欽

碧波峰隔夜郎東問月傳疑捉月同在手一杯金漱澀  
轉喉幾調玉玲瓏清新俊逸人如在瑣尾流離主不聰  
憑仗高亭聯勝賞五峰環照夕陽紅

右亭見於地志謂太白流夜郎時醉此李司訓宗汾  
辨其非是辛丑九月廿七日校射既偕芑洲太守及  
諸博士逕馬憶商寶意前輩佐郡時二絕云謫仙遺

恩施縣志

卷十一

詩

十七

蹟在人間采石當年數往還身到蠻鄉重懷古碧波  
峰似翠螺山披來宮錦暗無光一代仙才劇可傷莫  
話播遷天寶事三郎當日亦郎當商以翰林出丞太  
平移施故及翠螺山其末章非風人之義附此當詩  
話一則

曉行

蘇於洛

一灣流水透孤村水上梅花照影昏曉雪衝寒行十里  
山家猶自閉柴門

惜春

張甯



宦况頻年薄匆匆百五過春殘鷺尚嘯愁重馬難馱花  
骨埋紅雨吟魂散綠莎東風今已去幾度對松哦

贈施南樊副軍

督學 陳崇本

身是喬松彩煥芝知名我在過庭時家大人官楚中方伯公已來鎮施州

雲開陡壁前軍度浪疊羣山一馬馳

帝念家聲頒沃野人推閫望鎮邊陲戟轅晝靜無傳箭閒補

南陔東督詞昔迎養太夫人於任所

蘭言傾聽氣生和座有清風領受多荷 寵新飄華羽

爍承歡長導板輿過十年蠻徼親魚鳥六月塵襟滌芟

恩施縣志 卷十一 詩 六

荷況是來遊名勝地繞峰邀月共凌波

蓮花池

督學 茹 棻 古香

峭壁立萬仞刻畫龍雷文蒙茸露微徑拂拂衣上雲起

視對面山朗若掌上紋卻恐人聲高咫尺帝座聞滑路

劣容足土石渾不分籃輿任搖兀默默占靈氛

地已在雲上人還入天中但知徑路絕或有猿猴通桑

麻並雞犬竟與人間同高高復下下其疾乃趨風攬身

竟倒擲下視仍長空蒼蒼者正色聞之漆園翁

山城過百里寂寞無烟村侵晨戒僕夫雨氣猶昏昏常



恐半道中勢若雷霆奔終朝竟閣雨入夜急溜喧欹枕  
叩天佑敢作冉請煩豈知披衣起朝旭迎温暾

背籠

茹菜

山程行履艱厥勢利用控楸株利若錐背籠圓如甕本  
為採樵資猱升入雲霧嗟我乘傳來襪被勞爾送後應  
前者呼小市成一闌負戴存古風嘉茲樸與犴

至施南二首

茹菜

到府不一舍過山仍幾重人迎諭蜀使地是夜郎封戰  
守前朝隘耘耔瘠土農山川新管領休說向王蹤

恩施縣志

卷十一

詩

九

聞道萑苻擾瘡痍剩幾村伏戎真鼠竊比屋痛鯨吞掃  
籀書陳跡誅茅認舊痕多年勞捍禦韜畧試重論

施州行為尹太守作

督學鮑桂星覺生

施州古之巴子國後來強族竊據之有明設官不銓授  
以土治土聊羈縻

皇朝德威四暨訖改置郡治歸有司割夔一邑建隸其屬遂

領六縣開疆陞承平既久戶版盛髮垢不櫛蝨生蟣白

蓮苞蕞誰釀禍自蜀奔竄來恩施嘉慶六年恩施尹者厥氏

尹英圖閣學圖之弟海內知廉聲惠政稱杜母以母召子



形影隨提戈一呼四面集瘠僮跛媪皆獯獵是時賊衆  
凡數萬風鶴未免生驚疑公曰無疑急與戰第扼關隘  
防奔馳韜鈴乃出文吏口甲士可使胥徒爲謀成膽決  
勇氣倍再戰再克殲渠魁合圍要遮大斬獲賊懼不敢  
荆南窺大府飛章

帝嘉歎曰汝英圖功何奇汝一縣尹乃能爾爵汝上者顏忸  
怩

璽書褒美擢五馬至今南郡喧口碑蠻雲瘴雨盡掃滌日月  
所照風清夷我來重跡歷參井有童啞啞娃嬉嬉禾麻

恩施縣志

卷十一

詩

三

旣獲弦誦起選士亦復抽囊錐古者失官四夷守况今

天子登軒義施州一隅萬山窟障蔽荆楚連巴夔民愚地險  
雜獍麤匪賢守令曷克治作歌美昔勸來者共襄上理

綏嘉師

施州選拔覆試日有作

鮑桂星

萬山青到古施州啼鳥聲中駐碧油鏡海日排雲霧出  
升堂人比鳳麟遊十年偃伯弦歌起幾樹翹英藥籠收  
聖主恩深莫孤負勉馳天路策驂騮

口號四絕句

鮑桂星



畏寒不踰濟喜雪偏耐冬鸚之復鵠之愛爾巢雲松

右鸚鵡

鎖院非梵宮鴿來殊不怖白衣何踟躕飛飛出烟霧

右白鴿

圉人畜二猴人物情相狃清夜聞啼聲如過蜀江口

右獼猴

對面鼇脊峰涌出几案間朝暉與夕霏咫尺三神山

右鼇脊山

沙渠吟

知縣張家樞小滄

恩施縣志

卷十一

詩

廿

石壁周環景最奇中通小徑草離離蠻王寨祇留遺址

不是持刀佩劍時蠻王寨

城南春雨水平池飛去蝦蟆正此時悟到鷹鳩及鴛鼠

拈毫何事浪傳奇蝦蟆池

威懾羣酋一世豪今留廟貌鎮江皋秋來浣女知多少

祇聽砧聲雜暮濤竹王祠

峰巒曲折擁青蒼人去亭空草木荒憑弔謫仙情切處

萬山如畫月如霜問月亭

童家莊址盡荆榛何處山深有異人試到白泥坡上望



幾家犬吠雨如塵 白泥坡

野豬跳下水如油 妯娌墳前日未收 欲訪李家雙烈婦

悲風颯颯小橋秋 妯娌墳

竹王祠壁題

知縣 詹應甲 湘亭

驚熊弧矢開楚疆 剪卻棘矢留篔簹 出胎剖出孩兒香

竹君之後有竹王 錦衣繡襪來何處 化龍幾欲凌霄去

頗同佛子產空桑 不屑將軍封大樹 天生材武霸南州

自大方能馭眾首 始信平安貽兩字 終教靈惠祝千秋

宋崇寧中立 祠曰靈惠祠 我來竹下拜祠宇 竹書難溯王風古 金戈

恩施縣志

卷十一

詩

廿三

鐵馬去空山 瘴雨蠻雲歸故土 落日靈旗水面斜 年年

簫管賽山家 夜郎城上誰投筆 春水江頭自浣紗

斑鳩崖

詹應甲

鳩喚晴崖崩千丈 巢易傾鳩喚兩崖懸 一線巢難補鳩

能振翼枝可栖人 苟失足身已糜崖上有嵯峨 怒起之

怪石崖下有奔騰 倒流之惡溪 君今胡不自崖返 試聽

鷓鴣林外聲 聲啼我行十步九顛蹶 荆棘鈎衣始全活

鵲聞見喜鴉見凶 萬事不如鳩養拙

種藥吟

詹應甲



施州西北曰木撫地最高寒無沃土山人不解藝禾黍  
翦盡荆榛開藥圃藥種分貽不貨牛藥苗倒插能辟暑  
板橋蒿壩百餘家大半藥師兼藥戶刀耕火耨笑人忙  
拋卻農書翻藥譜雪後點處子勻排藥種於雪後下之雲葉蒸  
時芽漸吐自然蔓長與藤抽三年不用占晴雨種藥不憂旱潦  
下種後三年得之無心盼到紫葳甘有口差同黃蘗苦藥販居  
然列市廛藥租且免輸官府男攜背篋女肩鋤同問藍  
橋求玉杵壺烟瘴霧積未消採向深山蕪松煮藥氣薄  
如草氣薰藥名嬾比花名古翻怪鄉人不信醫雖知藥

恩施縣志

卷十一

詩

廿三

性終無補偶然疾病跳師巫畫符搗鬼無藥愈蕩田還  
可栽黍苗百藥何如穀有五

施州兩生行

爲褚春農王竹田作

詹應甲

鮑公知我非俗吏所至貽我以佳士我耳生名公手記  
施州兩生褚與王後先鸞羽相頡頏得而寶之璧一雙  
褚生先聲破絕壁下筆萬夫俱辟易仙骨珊珊神奕奕  
王生後起照乘珠十五能讀等身書脫穎而出鋒有餘  
下車得生意良快生袖文來向我拜簿書堆案添文債  
施南僻在萬山中何年匠手開鴻濛翦卻荆棘披蘭叢



我今才盡筆花禿頭白拋書笑捧腹點定生文嬾披牘  
吁嗟乎文詞餘藝何足云他年攜手登青雲鮑公及見  
我及聞

施州草木詩九首

督學 吳其濬 淪齋

籠竹茁寒筍旬日得十丈霜雪壓脆梢勁與松柏仿佳  
兒見頭角未肯脫錦襪坐待春風來方作出塵想玉立  
兩三竿矯矯不成黨歲晚主人臥迎客自俯仰

楚客頌皇樹詫爲衆木尊空山多碩果此實豈其元我  
行夔子國凜烈雪正繁百卉生炎洲隕落如中原孤峰

恩施縣志

卷十一

詩

苗

見翠葆綠澗照璇源三年刻一楮此價未易論生平笑  
李衡僮比卓王孫利欲驅草木奴隸視蘭蓀荒阜已成  
蹊桃李兩無言

三巴產蜜羅輪囷拙可笑敗絮實其腹黃與佛手肖但  
乏麻姑爪不鑿混沌竅舊臘預傳柑

賜果瑛盤照懷歸冰沾衣罌管色相耀歲寒臭味同無  
藉形骸妙方朔窮且醜偃僂金門詔閩中歲以蜜羅作  
貢去臘蒙賜十

數枚冰堅如石置茶中  
作佛手黃 丙廷珍之

哥窰兔褐盆錦石襯菖蒲年年盼花開徒爲古所愚豈



知山居人蹴如秣馬芻根節走蛟龍綠葉淨可娛石竇  
無寸土靈液相滋濡細梢戴曉露皎如摩尼珠倘能照  
我心不辭山澤癯

耨鋤剔山骨爬土得盈握亂石如犁齒仰刺牯牛足踈  
豆苗寒藤枯槎寄瘦綠蔓弱不自勝倒垂玉鈎曲采擷  
供朝餐脆滑壓苜蓿但恐羊踏園不愁魚疾腹土人相  
驚猜嗜歎鼻爲蹙他日元修來餐盡冬山綠貯藥吾未  
能此事差免俗

礫礪不材木生無萬牛引不如自僵僨朽腐成美菌深

恩施縣志

卷十一

詩

廿五

山無冬日陰雪蛟龍盡由蘖蒸濕雲生機傲蹕隕錯落  
小壘錢輪困大揚盾肥豈類晚菘滑宜媿凍筍草木餘  
菁華旨爲造物窘君看疾疾人智慧出愚蠢

北方千尺冰曝檐醉白日南山十日雪不禁池水溢池  
中如船藕皎如玉縝栗池上寶珠茶赤燄忘凜慄芙蓉  
自畏寒晚花露蕭瑟始知天地氣升降非膠一舒慘互  
相循生機仍時逸長安方臘鼓海棠照盤橘

雪中畫芭蕉俗眼親詆毀不知玉樓臺綠天更清美粵  
犬不知雪鎮歲啖蕉子結爲炎熱蒸無復風致矣清江



竹王城井苴照綠水上有六出花飄灑風吹柿青山瘦  
固寒白戰淨可喜欲織五銖衣惟有姑射耳

虎刺珊瑚珠的皪紅纍纍移向壺中峰旬日漸已萎其  
爲小草生羞作卷施死不如寒天竹結實垂堂庇凍雀  
啁丹砂繁星攢朱李翦剔作盆栽金屋藏彼美嗟哉此  
離離南國相思子世無相思人棄爲籬邊枳

余試施南讀壁間鮑覺生前輩口號四首詩格謹嚴  
然未能測其寓意所在余以道旁所見草木有所感  
觸得九首蘭芷滿山不見採擇有如此矣

恩施縣志

卷十一

詩

共

郡治後園有榴柚二果同時並蒂各生五枚詩以

記之

太守譚光祥 蘭楮

禾不生九穗麥不秀兩歧年年幸免饑饉耳無一善政  
愧可知小園不少雜花樹如下董帷都嬾窺民和未見  
頌聲作瑞應敢望天公私去年並蒂榴四實忍冬再花  
曾作詩今年兩事皆再見謂此易得非罕希庭前移栽  
兩桂樹秋未著花意頗疑摘榴五實忽並蒂五抽並蒂  
又益奇中央一枚似居首左右前後輔相之如統所尊  
衆環拱如序以齒肩相隨如星聚奎聚東井如臣佐



福衍箕如聲如色如方如嶽如鄰如伍恰應天地數如  
羸秦五松如漢京五柞如移彭澤五株柳如折燕山桂  
五枝傳觀一座嘆希有詹尹信手穿牟尼長城分詠四  
十字筆花落紙光陸離徐陵紀事許濡墨楊炯妙詞待  
藻披榴房取象頌多子厥包橘柚東南宜徵蘭吉夢不  
敢卜五丈夫得一亦足慰我思一心有定似碩果三品  
作貢或如棟榦栝柏菁茅龜豐年爲瑞不貪寶民欲必  
從天聽卑春華閱盡見秋實風雨露雷無妄施未來事  
業且休問眼見聚散風中鷺當歌對酒聊盡興嶺上梅

恩施縣志

卷十一

詩

廿七

花開及時

禱雨酬任錢溪明府見贈

譚光祥

施州地無一里平依山墾土盡室耕施州無三日不雨  
十日不雨愁歎生下車初喜時雨浥轉爲雨多嫌漏濕  
山行五月或披裘官舍六時稀見日六月七日小暑過  
旬有六日炎歊多高田龜坼下田涸坐看稔歲無稻禾  
殷憂都不暇諏吉四更披衣五更出我心無日不齊明  
難得同官志如一衆誠感神神格思期以三日神曰遲  
東郊待汲龍洞水

城東十五里龍洞禱  
雨汲水入城必應

西嶺先發雷車



馳夜分檐溜似懸瀑起看滌墨雲四垂風伯作力助雨  
師再接再厲益酣嬉平明不許騰朝曦急則易盡當緩  
之或布密雲或散絲遣吏四郊察耘耨入土一寸甘膏  
滋恐神責我誠意衰再籲更乞滂沱施山頭黯黯霧氣  
彌徐飄細灑時淋漓受之以漸亦以隨山農此時喜可  
知彥昇妙句冠一時太守薄德媿譽詞敢貪天功亡力  
爲明日報謝陳尊壘時暘終賴 皇天慈

輿中口占

太守王協夢松廬

連甌新秧綠如針出水齊橋通薄澗直路繞麥田低行

恩施縣志

卷十一

詩

廿

縣春方老還鄉徑欲迷萬山青不斷冬日子規啼

山中曉發

王協夢

嘔軋籃輿嶺路長沿山花草逐風香百盤危磴青雲迤  
十里疎林曉日涼滴露竹梢偏裊娜經霜木葉漸丹黃  
吳麻蜀黍皆成熟不用循行策救荒

九日

嚮晨爆竹滿山城問俗知緣節序更插菊方邀人共醉  
登高難得雨初晴此間福地尋荒徼幾處豐年樂太平  
虎渡蝗遷成底事靜聞衙鼓有餘清



施州食物

王協夢

菽乳助淮南宵分不停磨如大輅椎輪漿未石膏和野  
菜錯雜調温磨出土銜嘉名踵黎邴奈何罔以情蠶豆腐

蒲桃有佳醞果實成醞材况聞番薯蕷亦可供尊罍山

中富蜀黍麴蘖缸面開糟牀滴真珠浮蟻堪銜杯酒穀

晨炊菰米香更有鮮可食根在碧澗中清脆遠雕飾傳

聞性頗寒每每中廚救長安競華筵薦此亦增色茭白

安肅詫秋菘半世菜根齏觀此圓如毯造物亦何巧胚

胎至味含頓食可以飽持以敵吳蕪何必憶峰泖繡毯白菜

恩施縣志

卷十一

詩

七

間考神農經著錄列山藥濃涵土脈厚方趾乃象腳創  
為玉糝羹滑甘殊不惡蠻鄉蔬品奇莫訝稱名錯腳板薯蕷

山田出野菌痞癩如蜂窠遽作肥孳想朶頤良足訶遠

莫致雞蹤費無踰燕窩樵子筠籃中採掇何其多鮮肚

晚自高橋壩歸作

知縣唐方耀春野

十里高橋壩橋高水亂流花深沽酒路柳暗釣魚舟鳳

嶺寒雲薄麟溪夕照收歸來剛薄暮燈影出城樓

西鄉偶成

唐方耀

策馬荒郊外茫茫落日西雲連巫峽遠山到建平低嶺



樹青於薺溪流綠滿畦農人都荷蓀村塢正啼雞

晚自杉木村歸道中作

唐方耀

半溝流水幾人家杉木青青日欲斜莫道空山春不到  
一枝開徧隔牆花

丁酉仲春月課新生

廣文 彭人檀 樹香

舊檻招羣彥東風橐筆來斯人都沆瀣此地接蓬萊苦  
勵三年學狂思一石才池中有神物隱躍待輕雷  
轉眼槐黃近諸生意若何文章愁軋茁歲月易蹉跎大  
海排珊瑚秋林仗斧柯堦前書帶草名欲換登科

恩施縣志

卷十一

詩

三

頗笑鄭虔老迂疎寄一甌抗顏趨弟子高詠動山川未  
覺羞邊笥相看策祖鞭蟾芝莫輕獻此道有真詮

庭中牡丹盛倍常年瑞也邑人士必有售者爰具  
壺招集講舍諸友作探春之宴秋風拔幟紫陌  
連鑣真意中事耳率成鄙詠書爲左券

彭人檀

我聞此花天下第一花忽向寒齋弄春色想從月殿分  
仙艷飛下文壇逗消息憶自移栽今幾年年年長恐東  
風顛元氣未復根先固一枝兩枝憔悴春可憐月維中



辰歲丁酉桃花已落棠梨又庭前忽報狀元紅不放火  
前放火後小者如孟大者盤楊兮魏兮胭脂團火經霜  
雪護蓓蕾勃發雲霞橫欄杆老夫潦倒已慣冷官冷閒  
向花間更弄婆娑影客來雖無好錦兼名香尙欲擘箋  
相與豎新穎山城晴日風吹空雕鐫嫩綠戴輕紅吾儕  
况有二三子酒龍詩虎尤文雄坐爾花間花欲語綵筆  
疇檀如椽巨香艷好賡白傅詩源流重補歐公敘吁嗟  
乎奇芝異草誇登科昔嘗如此今則那勸君更倒金叵  
羅桂林杏苑人非他將進酒爲君歌君不醉如花何吁

恩施縣志

卷十一

詩

卅二

嗟乎不見昔時金帶圍座中之人皆綸扉

丙申九月廿九日獸遊鼇脊山登奎閣縱目偶憶  
東坡嶺南菊開較遲以十一月望作重九因寄

所託聊爾成詠五首

彭人檀

高樓直上俯江濶天地蕭疎入短吟木落頓教驚歲晚  
雲多容易起秋陰魚鱗萬疊人家密鳥道千盤石棧深  
嶺外重陽猶後日黃花莫笑此登臨

真成終日在樓臺憑酌山光酒一杯紅葉當門邨落豔  
青烟匝地曉晴開石田歲稔收仍儉灘峽風平浪不催



却喜懋遷舟楫少不妨偶賺有餘財

楚蜀連疆此最雄過山仍舊在山中依崖支竈石爲屋  
轉水灌田車有筒井邑半分夔子國煙霞深鎖竹王宮  
川原莫道無珍品上藥猶存壽世功

香楠文梓重當時後起英英盡紫芝折節漫羞稱弟子  
培根先要得人師論文但有書三味射策能無桂一枝  
依樣詠癡終自悟虛心早下董生帷

年來慚愧擁臯比記問都荒敢說師差幸此中區義利  
庶幾有作判醇疵江山灑落人孤往苜蓿清狂洒一卮

恩施縣志

卷十一

卅

翺鳳棲梧知共勉奎光佇看耀昌期

木杪仙人洞出東城七里餘采寶祐元年清江郡  
守王公次疇侍其親挈僚佐一遊摩崖題名稱  
洞府窈深奇怪不類人間世迄今幾五百年無  
問津者丁酉夏五偕朱仁山州別駕李春甲明  
經羅冠乙春樵兩茂才詣馬輿如曠如不可窮  
詰與石壁所誌無異而施州衛志所載寶祐中  
六人既不相涉碑亦不可復見悵然久之乘月

而歸賦此紀遊云爾

彭人增



却訪仙家洞口春  
輕輿小駟問前津  
江山暇日容吾輩  
賓從高風憶古人  
尚有烟雲通戶牖  
能無金石委沙塵  
林巒如此偏蕪沒  
莫爲方隅悵隱淪

前門如竇後如城  
一穴中空接太清  
石乳當頭垂欲墮  
山禽偷眼噪相迎  
飛仙何處尋蹤跡  
委蛻無人問死生  
再五百年似今日  
知渠笑我好微名

初夏閏月既望偕李春甲明經羅冠乙朱廉泉陳  
梧岡吳心畬茂才上舍江右劉松山遊白衣庵

彭人檀

恩施縣志

卷十一

詩

三

曾約諸君共酒杯  
雲關謝客不輕開  
前兩日擬遊不果  
今朝賓主都倉卒  
挈榼提壺取次來

佛閣陰森境不凡  
危欄迢遞俯層巖  
眼前大有江南意  
只少遙汀半幅帆

題天橋

太守顧椿藹亭

碧水跨長虹  
羣仙從此過  
跌宕天門開  
萬山來朝賀  
咸豐乙卯秋  
來鳳張海雲  
太令軒鵬來郡  
出所題

天橋詩示余因用原韻誌和  
太守陳壽圖達甫

蜀客鳧飛來宰楚  
相見一笑舊時伍  
自言來自萬山間



兩山屹立路幾阻中有一橋跨天半天然煉石媧皇補  
影蛾洞裏日倒影凌空疑有神仙武虎頭顏額曰天橋  
橋邊廿字軒軒舉數十年來陳迹非茂先接踵題橋侶  
我來茲郡少閒暇未曾策蹇一筇拄今讀君詩當臥遊  
依稀半月梯雲取吁嗟乎鄉關廿四歇簫聲安得凱歌  
徹師旅

過長沙河坡

知縣楊松磐春岩

石棧鉤連一道通筍輿輕軟趁天風人爭俊骨摩雲出  
天壓羣峰入望雄遠樹斷岩迷日雨插花邊界辨青紅

恩施縣志

卷十一

詩

世

犬牙交界之處土人呼爲插花界

無才撫字資秋熟釀稻炊烟處處同

重至施州校士

督學馮譽驥展雲

復有三巴役重歌四牡駢野梅迎使節山鳥識儒衣攬  
勝思乘蹻論文尙鎖闌虛堂當翠巘終日對斜暉  
英才先後起振藻各翩翩郢曲追騷客唐風溯謫仙駿  
蹏千里迅鳳采九苞妍他日中和頌應從漢殿傳

題褚春農明經香雪山館詩集

馮譽驥

弦秋館畔誦瑤編得識韓門籍混賢蘭畹芳馨紉楚佩  
竹枝幽怨寫蠻箋飛仙偶跨江樓鶴過客同聽蜀道鶻



最是霓裳開寶曲玉簫牙板有人傳

偶駐星軺訪俊英眼中不見彥回生千金骨待來燕市  
一卷書還取馬卿寂寞杜陵空有恨艱難羅隱竟無名  
丹山萬里桐花樹雛鳳翩飛望繼聲

題王滋圃明經聽雨樓詩集

馮譽驥

少年不得意書劍遠遊遨蜀道攀危棧巴江狎巨濤

懷緣客久奇語入天高杜老夔州作追蹤亦自豪

卷中多巴

蜀山水詩甚奇偉

一赴鴻都召還山事隱淪著書消白晝聽雨過青春垂

恩施縣志

卷十一 詩

卅五

老傷知己

集中有哭鮑覺生侍郎詩

諸郎嘆絕倫輞川遺集在珍

重晏楹陳

贈王竹田明經兼題其付園詩集

馮譽驥

前年紅旆拂征塵使館懼迎鶴髮賓叢桂淮南招隱士  
雪蕉輞水見高人新聲按拍雙牙板妙語抽絲獨繭綸  
今日停驂重把卷梅花香放萬山春

吳江舊尹說詹何青眼逢君贈短歌少日機雲馳譽早

望中師友感懷多

集中有哭鮑覺生侍郎詹湘亭明府詩

荒山風雅開榛

莽晏歲芳馨動薜蘿共道謝庭吟咏好手栽玉樹長枝



柯

賦答胡芷塘明經卽以奉題沙渠逸士吟稿

馮譽驥

王符借過我屐履快將迎甲寅試畢君與王家擅春秋

學人推俊及名均君與諸王諸人閒名臨箐路苦調和鵠

聲兩載慙勤意天邊盼使旌太冲傳詠史叔夜賦從軍

憑弔心何壯悲歌意不羣集中有詠史出師毫端神鬼

泣篋裏蕙蘭薰翻愧陳恩語譏彈到小文大集屬予點

題王滋圃聽雨樓詩集

陳壽圖達甫

恩施縣志

卷十一

詩

共

燕蜀雲山策馬過壯游豪氣半銷磨書窺中秘三千卷

涕灑秋風十二科開徑望憐春意少登樓愁迸雨聲多

建有聽雨樓樓下開門曰望三荆南此日徵文獻寶劍光猶躍太阿

嶺峻灘高勢不平氣吞河嶽筆縱橫眼青遇感逢仙吏

鮑覺生學使詹湘亭明府俱以國士相遇眉白才良似阿兄命弟竹田明

雲卒無心銜岫出泉因有韻在山清階前滿種芝蘭草

留得餘芳向晚榮

問月亭懷古

知縣多壽壽菴

人生幾代謝明月自今古月圓本天成月缺又誰補先



生流夜郎萬里程途苦對酒發浩歌邀月作賓主開筵  
俯萬山醉月觴飛羽一醉且停杯恨無修月斧搔首試  
問之問月月如許月果來何時誰闢清虛府上下百千  
年曾幾夜三五消息在兩間屈指不可數先生去茫茫  
遙情寄一縷我來山亭遊遺迹重摩撫

登問月亭

經歷魯寶增慶初

人影逐明月天門呼吸通羣峰俯首處嵐氣漾微風  
石人有顏色今月曾相照提筆山欲搖神妙毫巔到  
存既稱詩仙歿即爲詩神有詩吟不得昔時語驚人  
恩施縣志

卷十一

詩

七

今古一謫仙今古一明月安得月常圓長使圓弗缺

九日登五峰浮圖

施南府學 哈廷珍 湘儂

天霽雲開萬象激最高塔聳勢峻嶒自知凡骨無飛翼  
竟有仙人在上乘紅豆連畦新雨活青楓一帶晚霞蒸  
巫山巫峽蕭森意愁殺吟秋杜少陵

和倪梅羹明府戊午秋七月十三日邀諸同好登

廣福館樓小集原韻

施南府學 高維嶽 曉崧

選得名區待客遊先生曠達是清流人來高處都開眼  
月照他鄉共舉頭是夜月甚明酒興消殘千古恨滇省回匪滋事公外



不聞家報常以為憂今藉此一樂庶可解免笛聲吹出萬山秋是日坐中有善歌善笛者願將傳世傳神筆圖畫諸公此一樓公善丹青願繪此雅集圖以紀一時

之盛

癸巳歲彭樹香同年招同郡學博羅子峰遊影蛾

洞以詩見示次韻酬之

選拔王家筠滋圃

我似鹿門龐不愛州府闈杖志招我來局中且隨眾無才若繙帶迷離如昏霧那得散步遊免使疑義責恰有濠梁招假我青絲鞵羅公老興豪聞之笑且哄兩馬猶未行一輿已先羶歎羨天成山山為天播弄不然巉岩

恩施縣志

卷十一

詩

廿八

堅是誰敢鑿空好奇情如飛欲飛足先變懸根手攀援履險幾驚恫踏壁復橫行摩碑頗潔龔仰瞻何窮窿苔蘚如錦幪何必尋謨觴相與活罄控藉以藏名書不必慮充棟藉以藏舊醕何妨時盈甕陰森寒襲人因之欲呵凍如遊桂海中作志紀岩洞鐘乳滴瓊漿如珠結霧淞料得引詩人詩草長新蕪我比石更頑安能繼詠諷東溪有蟠龍北山有飛鳳南洞有影蛾何以相伯仲譬如銛鉏潭能發柳州痛古人與今人令意每奇中與盡欲歸來兩闈解相送能使採訪人都已愜清衷登諸志



乘編摹繪頗倥偬偶然聞鐸聲大爲醒塵夢

清江樓晚眺

王家筠

清江城似畫向晚一登樓挂樹啼猿小歸林去鳥幽萬  
山斜照冷孤澗暮烟收古月今宵問杯中影自留

登連珠塔

褚上林

連珠東望與天齊佛塔孤高出小溪四面烟雲空倚傍  
一城樓郭認高低盤旋石磴攜嬌女指點峯鬟話老妻  
無數好山看不厭歸車已趁夕陽西

問月車懷古

大批教諭 蔡景星 半如

恩施縣志

卷十一

詩

廿九

謫仙去千載名蹟重施州今古一輪月江山萬里秋天

空搔首問雲杳盪胸收杯酒當年事遙情憶此遊

清江閒眺

蔡景星

湛湛清江水源流遠復深澄觀宜洗眼靜對獨盟心潭  
影搖山嶽波光盪古今閒遊來此地魚鳥寄謳吟

同治六年歲次丁卯知湖北施南府孝豐詩

賡藻枚鄉中秋前三日將卸事寅僚暨紳士

擬題留別數十首不及備載節錄二則係署

南郡時所共見因載之以備參考云



禱雨

靈境天然闢閭岑偶因禱雨展微忱嵌空古洞波

瀾涌龍洞距城十五里水從半山穴出香靄崇祠

氣象森鳧鳥奮曾隆報賽鱗逢今又渥甘露朱大令

禱雨隨車至因建祠祀之今秋禱亦有驗匆匆未及椒馨薦一瓣香含

鑒此心

除莠

是誰榛莽誓盟堅磐弟梅兄不計年樹始萌芽忙

踐履草須芟薙戒牽連濤聲巫峽烟雲黯石勢辰

恩施縣志

卷之一

詩

四十

關劍戟全近有哥弟班各口咫尺揭來防煽惑長

官條約要先傳

贈王克亭副戎

躍馬橫矛部曲誇朋簪小集亦風華斂肩安肯辭

危酒虹氣都疑出劍花卻自坦懷容罵座別饒壯

志欲乘槎屢約窮清江吹晴伊昔推名將賊壘割

平靜不譁副戎前在皖省攻賊卡矢貫晴仍攻其壘而還



問月亭懷古

恩施縣學李  
教諭江夏李

瀛海環

太白本是長庚宿萬丈光芒燭世宙天心鍾毓五百  
年爲安唐室生靈秀明皇賞識亦尋常不重經濟重  
文章縱抱將相匡時畧手無斧柯徒彷徨幹旋薦有  
汾陽在天下才爲天下宰酒仙詩伯非疎狂譎諫君  
玉蔗幾改至德忽作夜郎遊不似靈均澤畔愁快哉  
何地無明月上排玉宇聳瓊樓前身同住大羅天問  
月相別幾經年北司南衙淑與慝懸鏡定察秋毫顛  
昔日曾斥高力士志黜僉壬從此始野鹿敢啣禁裏

恩施縣志

卷十一 詩

四十一

花漁陽鼙鼓聲不起無稽謠詠播宮闈婦口出走幡  
然歸廣寒殿闕近尺五猶可凌霄依清輝唐祚中興  
賴輔翼推賢讓能謫仙力補天浴日建奇勛第一忠  
貞已報國自慚裔屬青蓮後素不工詩不嗜酒惟愛  
皓月最相親照我肺腑爲良友登亭放眼月影團皎  
潔合呼白玉盤默憶先芬頻搔首至今人尚仰頭看